

США Китдин туст кеджәх ПОЛИТИК

Китдин Народи Республикин туст кеджәх США-н политикин төрмүд американск барт болн США-н орн-нутгин гардгч үүлд церглдж йовх улсин келсн үгмүдт ик орм ээлджәнә.

Эн туст, июнин 5-д США-н президент Эйзенхауэр пресс-конференц деер келсн герчлгънд оньг огх кергтә. Тер герчлгъндән президент, Китдлә хулд-гүүлгә келгънә туст США-н ода бәрджәх политик хаджгър болджахиг илднь келв. Эн төрин туст Соединенн Штатмудин бийсднь хойр зүсн бәрцтә ухан-седкл бәәхиг президент нуусн уга. Зәрм улс Китдлә болн наадк коммунистическ орн-нутгудла хулд-гүүлгә төрүц кехмн биш гидж келцхәнә, наадкснь болхла Китдлә хулд-гүүлгә келгънд бәәх боомтгиг багърулхмн гицхәнә гидж тер келв. Би эврән болхла Китдлә хулд-гүүлгә келгънд боомтг бәрәд бәәхлә сән болх гиджәх улсин тоод орджахшв, болсн бийнь тер боомтгиг уурулхмн гидж чигн келджәхшв гидж президент немдж келв.

Президентин эн герчлгъиг, Китдин туст кеджәх американск политикин цаарандк делгрлтин туст США-н правительствод зөвәр ик мөтклдән бәәнә гидж американск бар үндлжәх учрар, американск газетс ик оln зүсн комментарийс кеджәцхәнә.

„Нью-Йорк геральд трибун“ гидг газетин вашингтонск корреспондент Доновен иигдж бичджәнә: „Китдлә хулд-гүүлгә келгъиг эләдәр кехин тускар, пресс-конференц деер президент Эйзенхауэр келлгън— „йосар болхла государственни департаментәс президент ик түрүлдж иим бәрц бәрлгън—орн-нутгин гардгч үүлд церглджәх зәрм улсин бәрджәх бәрцәс оньсдан болджәнә“... „Китдин улачудла хулд-гүүлгә келгънд бәәх боомтгиг аш сүүлднь, цааранднь ууругдхнь лавта кергтә болхин т бәәх тоолврмудиг“ Эйзенхауэрин герчлгън медүлджәнә гидж Доновен цааранднь немдж бичджәнә.

„Нью Йорк таймс“ газетин корреспондент Уайт Вашингтонас илгәсн соньсхвртан, „коммунистическ Китдлә хулд-гүүлгә келгъиг шинәс экллгънә үүдиг президент Эйзенхауэр өргәр секв“,—гидж тоолджана.

„Нью Йорк геральд трибун“ газетин обозреватель Липпман иигдж бичджәнә: „Китдин туст США-н политик урдк кевтән үлддг болвчн, эн политикин хәләц сольгддяхнь темдгтә“. Кемрджән Китдин туск политик оньгдарулдж эс сольгддмн болхла, Дальн Востокд Соединенн Штатин позиция „күүрәд“ чигн одхд магъд уга гидж Липпман медүлдж келджәнә.